

Arkiv	Saksbehandlar	Møtedato	Sak nr.
F833	Knut Øyjordet	05.04.19	9/19

UTVISING AV LEDIG DYRKINGSPARSELL VED MELINGEN

Saksdokument:

Innkommne søknader.

Saksutgreiing:

Fjellstyret lyste tidlegare i vinter ut ein ledig dyrkingsparsell ved Melingen, som vart ledig for nokre år sidan etter at fjellstyret fatta vedtak om frifall. Den er på totalt ca. 7,5 dekar. Parsellen vart annonsert i «Landbruksinfo», eit informasjonsblad som landbrukskontoret sender ut til alle gardbrukarar, samt at det vart annonsert på heimesida til fjellstyret, og med søknadsfrist 10. februar. Parsellen vart lyst ut saman med ein ledig dyrkingsparsell i Synstlie. Det vart laga eit søknadsskjema, der ein m.a. skulle skrive namn, bruksform på garden og med grunngjeving for behovet for meir dyrkingsareal.

Følgjande har søkt, og med bruksform på garden i parentes:

Knut Stadeløkken (mjølkeproduksjon og sau)

Tor Arne Løkken (mjølk- og kjøtproduksjon, ammeku)

Stein Roger Rostløyken (kjøtproduksjon, sau og storfe)

Cecilie og Jan Selmo (kjøtproduksjon, ammeku)

Odd Magne Oden (kjøtproduksjon, sau)

Søknadene er kopiert opp og lagt ved saka. Selmo og Oden søkte også på den ledige parsellen i Synstlie. Alle søkjarane har grunngjeve søknaden med at det er behov for meir eigenprodusert fôr. Mange kjøper i dag rundballar og/eller leiger jord, og omfanget av dette har dei fleste søkjarane skreve om i søknaden.

Vurdering:

Talet på søkjarar viser at det er mange som har behov for meir areal for grasproduksjon. Det er fleire «gode» søkjarar, dvs. dei driv med mjølk- og/eller kjøtproduksjon og har behov for ein del grovfôr. Fjellstyret har ikkje fastsett noko retningsliner for tildeling av ledige dyrkingsparsellar. Før 2010 var det Statskog som hadde ansvaret for utvising av dyrkingsjord/parsellar. Det er fyrst i seinare år at det har vorte aktuelt for fjellstyret med utvising av ledige parsellar, m.a. fordi fjellstyret nå er midt inne i ein gjennomgang av bruken og statusen til setrer og dyrkingsparsellar, som kan føre til vedtak om frifall og vidare prosess med utvising til ny brukar.

Om det ikkje er fastsett retningsliner, så bør likevel fjellstyret prioritere blant dei som har dyr på garden, i dette tilfelle har alle søkjarane det. Men om ein driv med mjølkeku, ammeku eller sau bør det ikkje skiljast mellom. Omfang av behovet for meir grovfôr bør også vektleggjast, og ikkje minst nærleik til gard og/eller seter/dyrkingsparsell som søkjaren har.

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

Ein har vurdert det som unødvendig å innhente opplysningar frå landbrukskontoret om faktaopplysningar ang. drift og behovet for meir fôr blant søkjarane. Dersom det er søknader som ein meiner er noko mangelfull, så skjer det ved direktekontakt med søkjaren.

Fordi det er nokre «gode» søkjarar som oppfyller moment som bør vektleggjast, dvs. nærleik til seter, blir saka lagt fram utan innstilling. Det er viktig med ei grunngeving om kvifor vedkomande som får utvist parsellen blir prioritert. Vedtaket vil bli utsendt til søkjarane på vanleg måte, og med klageadgang. Når vedtaket er rettskraftig, må den nye brukaren og den førre bli samde om ein sum for overtaking. Det er ikkje fastsett noko retningsliner i fjellstyresystemet/Statskog for dette. Vi er kjent med at det i ei liknande sak tidlegare i Langmorkje vart nytta takst-«mann».

Vedtak:

Samrøystes: I medhald av § 19 i fjellova og § 20 i Forskrift om seter og tilleggsjord m.m. i statsallmenning, viser fjellstyret den ledige parsellen ved Melingen på festn. 745 til Knut Stadeløkken. Fjellstyret grunnjev dette med og vektlegg at han har seter i nærleiken, og det vil slik sett vera rasjonelt for drifta at han får utvist parsellen. Han har for lite eige jordbruksareal, og leiger difor ein del jord. Han har beitedyr i området rundt Melingen, og som han har opplyst i søknaden, vil det vera praktisk for han å nytte parsellen til beiting/sanking etter slåtten.

Rett utskrift. Går til:

Knut Stadeløkken

Dei andre søkjarane på parsellen

Kopi til:

Ivar Bolstad

Statskog

Vågåmo, 05.04.19

Knut Øyjordet (e.f.)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no